

Viðlagatrygging Íslands



Hvað er viðlagatrygging?

Hvað er tryggt?

Iðgjald og innheimta

Bótaskyldir tjónsatburðir

Eigin áhætta

Ef tjón ber að höndum

Ágreiningur um bótaskyldu og fjárhæð bóta

Ferli hefðbundins tjónamats

Hvað er viðlagatrygging?

Viðlagatrygging er lögbundin náttúruhamfaratrygging sem bætir beint tjón á tryggðum eignum af völdum eldgosa, jarðskjálfta, skriðufalla, snjóflóða og vatnsflóða. Viðlagatrygging bætir ekki tjón af völdum annarra náttúruhamfara, t.d. af völdum ofsaveðurs.



Hvað er tryggt?

Viðlagatrygging fylgir brunatryggingu húseigna sem er lögbundin skyldutrygging eins og viðlagatrygging. Sé lausafé tryggt gegn bruna hvort heldur með sérstakri lausafjártryggingu eða samsettri lausafjártryggingu, er innifelur bætur af völdum eldsvoða og flokkast undir eignatryggingar, þá fylgir einnig viðlagatrygging. Vátryggingarupphæð viðlagatryggingar er sú sama og viðkomandi brunatryggingar en tryggingarskilmálar eru aðrir.

Iðgjald og innheimta

Iðgjald af viðlagatryggingu er 0,25% af vátryggingarupphæð.

Vátryggingarfélög annast innheimtu viðlagatryggingariðgjalds jafnframt innheimtu iðgjalds vegna brunatrygginga og hefur þá viðlagatryggingin sömu gjalddaga og viðkomandi brunatrygging.

Bótaskyldir tjónsatburðir

Eldgos

T.d. er hraun eða gjóska veldur skemmdum eða eyðileggingu á tryggðum munum.

Jarðskjálfti

Jarðskjálfti sem veldur skemmdum eða eyðileggingu á vátryggðum munum.



Skriðufall

Þegar skriða úr fjalli eða hlíð fellur skyndilega á vátryggða muni með þeim afleiðingum að þeir skemmast eða eyðileggjast.

Snjóflóð

Merkir snjós kriðu, sem fellur skyndilega úr fjalli eða hlíð á vátryggða muni með þeim afleiðingum að þeir skemmast eða eyðileggjast. Það telst ekki vera snjóflóð, þótt þak eða veggir húss sligist eða brotni undan snjó, sem safnast á eða að húsi vegna snjókomu, skafrennings eða foks. Sama á við um aðra muni, sem skemmast með svipuðum hætti.

Vatnsflóð

Merkir flóð, er verður þegar ár eða lækir flæða skyndilega yfir bakka sína eða flóðbylgjur frá sjó eða vötnum ganga á land og valda skemmdum eða eyðileggingu á vátryggðum munum. Árleg eða reglubundin flóð úr ám, lækjum, sjó eða vötnum teljast hér ekki vatnsflóð. Sama á við um venjulegt leysingavatn eða flóð, sem að einhverju eða öllu leyti verður af mannavöldum, t.d. þegar vatnsgeymar, stíflugarðar eða önnur mannvirki bresta af öðrum ástæðum en náttúruhamförum.

Eigin áhætta

Eigin áhætta váttryggðs skal vera 5% af hverju tjóni. Þó eigi lægri fjárhæð en hér segir:

Vegna innbús/lausafjár, sem váttryggt er 20.000 kr.

Vegna húseigna, sem váttryggðar eru 85.000 kr.



Ef tjón ber að höndum


Sé talið að bótaskyld tjón hafi orðið af völdum fyrrgreindra náttúruhamfara ber að tilkynna það tafarlaust til viðkomandi tryggingafélags sem seldi váttrygginguna eða umboðsmanna þess.

Ágreiningur um bótaskyldu og fjárhæð bóta

Komi upp ágreiningur við váttryggða um greiðsluskyldu Viðlagatryggingar og/eða fjárhæð váttryggingabóta skal stjórn stofnunarinnar taka afstöðu til þess ágreinings í formi úrskurðar sem skal kveðinn upp svo fljótt sem auðið er.

Vilji váttryggður ekki sætta sig við úrskurð stofnunarinnar getur hann, innan 30 daga frá því að honum barst tilkynning stjórnarinnar, skotið ágreiningnum til úrskurðarnefndar samkvæmt 19. grein viðlagatryggingarlaganna.

Ferli hefðbundins tjónamats



Matsmenn eru kallaðir til af Viðlagatryggingu Íslands til að vinna við tjónamat fyrir

Eign: _____

Matsmenn:

Viðlagatrygging Íslands

Viðlagatrygging Íslands starfar skv. sérlögum nr. 55/1992 með áorðnum breytingum og reglugerð nr. 83/1993.

Viðlagatrygging Íslands

Borgartúni 6

105 Reykjavík

Sími 575 3300

Bréfsími 575 3303

www.vidlagatrygging.is

vidlagatrygging@vidlagatrygging.is